

SUMMER SPORT

HLAWHTLING TAKA NEIH A NI

Mizoram pawna Mizo awmte'n kumtin nipui chawlh laia kan neih thin 'Summer Sport' chu June 12-14 inkar khan hlawhtling taka neih a ni.

He Summer Sport neih chhung hian KMS member-te an kal tha thei hle a, incharge lampawh an phur hle.



Sport neih chhunga member-te leh incharge te inpekna a fakawm hle a, kan member kalchhuak tawh, Aizawl lama awm mek engemawzatin minrawn tawiawm thin bawka,

Inelna chi hrang hrang neih zingah Football-ah Hyderabad hneha Semi Final kan luh hnuah Chandigagrh nen kan intum a, tlawmngaih chhuahin kan kian ta a ni. Basketball-ah chuan Shillong kan hneh hnuah Semi Final-ah Chennai kan hneh leh a, Final-ah hian Delhi nen kan intum a, a wawikhatna atan Summer sport Basketbal intihsiaknaah KMS chu champion kan ni ta a ni. Items dangah hi chuan state dang kan kian ta hlawn niin thu kan dawng.

kan lawm hle. Tin, kan member kalchhuak tawhte zing atangin sum leh paia tanpuina kan dawng bawka, he'ng mi tlawmngai leh inpe te chungah hian KMS chu a lawm takzet a ni.

Kumina Kolkata aiawhtute zawng zawng chungah KMS-in lawmthu a sawi a, tuna helaia zir mekte pawh hian Kolkata kan chhuahsan hunah pawh kanlo awm tawhna kan khua hi i hre reng thin ang u.

CMCS THALAI

Fellowship programme
Hruaitu: B.Lalramnghaka
Tantu: Khawpuisangi
Bible chang sawi rual:
Vanlalmuanpuia
Programme: Thusawi
Sawitu: Oshin Lalnunmawii



DAMLO

Pi R.Lalrokhumi w/o Pu Hmingthanzaau, (ARC, Mizoram House) chu a hrawk bawka avangin dt.17.06.13(Monday) hian zai a ni dawn a, Kolkata-a Mizo awmte'n tawngtainaah i hre theuh ang u.

CMWA

Kumdang ang bawkin Central YMA chuan, Calcutta Mizo Welfare Association te Rs 10,000/- in minrawn tanpui leh a. CYMA Hruaitu chungah CMWA chuan lawmthu a sawi tak meuh meuh e.

CMWA a kan Executive Committee Member, Pu Talo Rosanga, MCS chuan promotion hmu in Joint Resident Commissioner atangin- Additional Resident Commissioner ah hlankai a lo ni ta a, kan lawmpui takzet e. Promotion hmu mahse in tranfer lovin Kolkata ah min la awmpui reng dawn bawka, kan lawm hle ni.

Tualchhung...

June thla chawhnu lam lai a lo ni leh ta reng mai. Kolkata khawpui pawh khawlum zual deuh hnuchhawin ruah do chang kan nei ta fo mai, malsawmna a va ni tehlul em! Nikum aiin ruahtui a tla hmaa, a tam bawka dawn a ang hle mai. Mi tam takin tui lian avangin harsatna tawh thin mahse kan tan chuan nisa rumrut tawh ai chuan a nuam zawk tih tawh lah bo lo.

Chutih rualin zirna session thar a intan dawn tawh a. Mizoram leh hmun hrang hrang atangin Mizo zirlai anrawn fuankhawm leh dawn a, keini senior student-te mawhpurna a sang hle. Admission zawn chungchangah leh awmna tur hmun thlengin kan nau tharte lo buaipui leh dawnsawn kawngah nasa taka kan inhawnzau a ngai a, an hmalam nun leh eizawmna tam tak chu kan kutah a inngat tih i hre theuh ang u.

Tin, zirtirtu tha kan nih theih nan keimahni nun pawh kan uluk a ngai hle. Kan nau tharte kawngdikah hruai hram hram ila, an tih tur leh tihloh tur te hriatsak ila, party-na leh night club te aiin Mizo inkhawmna leh thalai fellowship-ah te, Mizo society thil tihna kawng tinrengah hruai zawk ila. A pawimawh ber Kolkata an awmchhan zirnaah hlawhtlinna an neih theih nan thei ang tawkin puih i tum theuh ang u hmiang- VT

**I nihna ni loin i thil tih ah i
ropui leh ropui loh an
teh ang che**

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 Patron : Alex Rosangluaia



Enkawltu Kamliam

Tu'nge hlawhtling?

Kan hma maiah hian inthlanpui kan hmachhawn leh dawn a, mi fel leh tha tak takin ram hruaitu nih tumin an rawn bei leh dawn a ni. Mi dik leh tha, ram hruaitu ni tlaka kan ngaihte kan thlangchhuak thin a, achang chuan kan duha kan thlante ngei hian kan beisei an phalo leh thin. Achhan tamtak awm thei zinga pakhat chu 'hlawhtling an inti hma lutuk hi a ni,' kan ti thei ang. Ram hruaitu tur nisi kha MLA an tlin chiah khan hlawhtling ta leh an tum hlen ta angin an awm thin a, hnathawk turin bul an tan chiah tih an hre duh lo thin niin a lang.

Tunah hian Kolkata-ah zirlai admission tih tum mek engemawzat kan awm a, harsa takin College luhna tur kan zawng a, thenkhat chuan admission kan hmuh chiah hian hlawhtling ta angah kan inngai fo- 'lekhka zir tur kan ni tih hi kan inhre lo thin.' Kan nu leh pa, kan pi leh pu, mi hmasate kha chuan Mizoram pawna lehkhazir tur hian mahni insengso takmeuhin an bei thin a, mahni riahchaw fai leh mutbu phur chungin harsa takin an zirna hmun tur hi an pan thin a ni. Chutianga harsataka zir thei chauh an ni tih an hriat avang chuan ngawrh takin an zirlai an bei a, mi hlawhtling an lo ni ta thin a ni. Keini nawmsak hnua zirte hi chuan phai ram college tha deuha zir tura tlin hi hlawhtlinna angah teh chawk kan chan a, Kolkata Mizo zirlaite zingah ngei pawh hian duh aiin zirna boruak hi a awm lo emawni chu aw a tih theih thin.

Phai ram College thaa lut kan nihna hian kan hlawhtlin leh hlawhtlin loh a hril ber dawn lo a, Mizoram lama kan haw hunah mark engzat nge kan haw pui, tih ah miin kan hlawhtlin leh hlawhtlin loh an lo teh tawh dawn a ni.

Vai rama lehkhazira awm kan nihna hi duhtawk mai loin, a zir tak takin zir ila, chutichuan nakinah hlawhtlinna tak tak nen hlim takin kan la haw thei ang.

Mizoram lam chanchin....

NEET-AH MIZO 406 TLING

CBSE in rampuma MBBS leh Dental Doctor zir turte tana entrance exam a buatsaih National Eligibility cum Entrance Test (NEET) result chhuakah Mizo zirlai 835 zingah 406 te chu an tling. Mizoram atanga titha ber chu Lalchandama Hauhnar, Republic Veng, Aizawl, niin All India Tribal Ranking-ah 370-na a ni.

HEALTH DEPARTMENT-IN LAWMMAN DAWNG

Directorate of Health Services, Mizoram chuan 13th Finance Commission atangin kum 2012-13 chhunga Infant Mortality Rate (IMR) tihhniamna lama hna a thawh that avangin Incentive Grant Rs 3,132 lakhs a dawng.

ZIRNA IN KHAR DAWN

Mizorama Lump-sum Grants in Aid School 78(M/S, H/S, HSS) te chuan Mizoram sorkarin a enkawl theih tak loh avang te, sum pek tur a neih dawn tak loh avangte leh dinhmun sanga zawka hlankai an ni thei dawn loh avangin tlawmngai taka an lo enkawl thin zirna in chu khar a tul dawn ta niin an sawi. He'ng zirna inte hi khawtlang mipuite enkawl na hnuaia awm niin, khar a nihchuan retheihna avanga zirna sang zawk zawm thei lo tam tak an awm phar rin a ni.

ULHBUN...

Thu inziah siak ah khan sunday shcool lecturer lo ni tawh leh ni mek ten lawmman kan hui fai vek.

-Muanpuia SA BOYS

President awmlah lai chuan ka thu ber. Ka duh hun hun ah freshers ho ka ko khawm ang.

-Zuliasa Vice President

Celeb nun hi a hahthlak.. - **Thanpuii hmar Scottish**

Leader nih ka van tlin tak- **Zonuna, CMCS leader**

Tunlai kolkata nawm zia hi kan awm kim bawk a.

-Lawmsanga asst secy

Fellowship bana polite deuha house kawta nula biak paha an phone no lak keuh hi nuam eee.

Fela @ broad street

Ulhban zawng zawng rawn thawhtu hian fake account a hmang a, tu'nge a nih kan hre lo...)

-ED.Board

article

ZE NGHET

-VT.Lawmsanga, Lake Town

“*Chakai pawh sa awmlohna hmunah chuan ‘Ai’ ni satliah mai lovin sa tuitak a ni e*” an tih ang deuhin thuziak thawhtu leh kan ziakmite in ngawi tlat avangin kan thaihnaawk leh vel mai a ni ang chu.

Ka hming an hmuh ve leh thian thenkhat (ziakmi ka tihte) heng *Laltlanzova Darngawn* te, *Samuela Ngente* te leh mi dang dangte rilruah chuan “*Hmangaihna bawk maw a kurpui leh dawn*” tiin an lo phun sup sup ang a, an ngaihtuahna erawh keia thunun rual an ni si lova.

Lemziaktu pakhat hian engemaw thil avangin Isua lem a ziah a ngai ta tlat mai le. Ni dangah chuan milem tam tak a lo ziak tawh a, rampum pawha hriat hlawh leh hmingthang hial a lo ni tawh thin a. Mahse tun tuma a lem ziah tur erawh chu a huphurhin a inbuatsaih nasa hle mai a, a rilru zawng zawngin a vei a, nidanga sum hmuhna ang mai maia ziah satliah chi a ni lo tih a hre tlat a.

Ruahmanna a lo siam tawh angin chawlhni zing inkhawm hma atangin Biak In kawtah a ziakna hmanrua ahna ipite hlui tawh tak nen chuan a ding ran mai a. Tunge tlangval hmelta leh fel, nungchang leh chetziaah sawiselbo tur chu tiin a lo thlir ran mai a. Chutah *Fela Ralte* (thinrim hi eng nge tih pawh hre lo) anga hmelta leh nungchang mawi, parawntlak tak chu a hmu ta. “*Tlangval, I lem ka ziak thei ang em? Isua nungchang I pu zo berin ka hria a*” tiin. Ai leh aw pawh a sawi hmain Biak in kawta Pastor quarters lamah chuan a hruai lut a, a duhthusam ang thlap chuan a ziak ta a.

Kum a han vei meuh chuan misual hmingthang leh turu lem ziah a ngai ta tlat mai a. Mantirtu *Juda Iskariota* hmelta pute pawh a ni mah na. Tlai lamah chuan a hmanrua neih ang ang nen kawthler chu a han fang leh ta. Tlai ni tlak dawn pawh chuan tlangval thenkhat chu an lo *morning* hle mai a, a duh a hmuh ringin a nghak fan fan mai a. A mamawh ang misual erawh a hmu zo ta tlat lo mai.

Tlangval thenkhat chu pheikhawk lianpui mi pahnih bun atan pawha lian mawi tawh awma lian te, kekawrin a ha nge ama'n a ha zawk tih pawh hriathran har khawpa inchei te, kekawr hian mawng a khuh thin tih pawh hrelo khawpa

inchei maksak leh an ban leh nghawng vel, taksa lang thei chin zawng zawng chu lemziak (tattoo) a khat tun mai te, hnar leh beng, hmuil thlenga hmuibeh behte pawh hmu mah se a lungdum zo an awm lo tlat mai le.

Beidawng taka in lam pana a kal hnak hnak lai chuan tlangval pakhat Leather Jacket ha, a hlui tawh em avang leh balh em avangin eng rawng nge tih pawh hriat loh, savun kawngnhen ngei mai ‘007’ tih inchhu kalh, beatle shoe hlui tawh tak, savun tha chi a nih vang mai maia buntlak leh a dang a neih loh vanga bun tih hriat tak nen an intawk ta thut mai. “*Uhhummm, ka mi duh*” tiin zu funkhat nen an inthlem hawng thei ta hram a.

Ruih lamah chuan professional hial lo ni tawh tan chuan ruih hle mah se a hriatna a hloh chuang lova. “*Enga tinge kei kher? Hmanah Isua lemah min ziak tawh a, tunah misual Setana lem?*” tiin. Lemziaktu chuan mak tih leh rinhar tih hriat tak hian a thlek nawn a thlek nawn a. “*Aw, hringnun tak hi chu*” tiin a phun sup sup a.

Hringnuna mi tam takin nih kan châk, mi ropui leh thil tithei, mi zahawm leh mi zawng zawng rinngam leh rintlak, zenghet neih hi a ni awm e. ‘Nula hmelta eltiang leh ze, tlangval lehkhathiam leh sport tithei ni mah la; miten saw nu saw tlangval zawng zawng bialnu, duh duh ngaihzaawnrawn theih tih leh saw pa saw chu bumhmang, dawheh leh rintlakloh a ni saw tih ai chuan; nula hmelta tia sawi tur chu a ni lo, a ngo satliah ringawt mai pawh a, **MAHSE** e, ani ang tluka chawlhni zingtina fate sande sikul thawhlawm sem thintu tur atana awhawm an awm lovang. Tlangval hang leh hmelta ni lem lo **MAHSE** e fate pa atan chuan a thlamuanthlak dawn em mai’ tih hi a thlanawm zawk asin.

Zenghet tak nei la, I thutiamah rinawm la, tuna I nundan tha leh mawi kha chhawmning la, a thalo lai siamthat tum bawh la. A têt zawnga thang lovin a lian zawngin thang la, mi zawng zawng rinngam turin **ZENTGHET** tak nei ang che.

ADMISSION ZAWNG TURTE TAN HE'NG MITE HI BIAKRAWN THEIH AN NI:-

St.Xaviers:

Lahlupuii - 8420521726
Lalmuanawma - 8697097169
K. Vanlalruati - 8257039018
Scottish Church College:
Benjamin Lalenkawla-
9051345569
Thanpuii - 8420682458
Ace Business Academy:
Lalmalsawma - 9007889346

Shri Shikshayatan college

Venus- 9163846551
Presidency College:
Siam Siami- 9748112352
Asutosh college:
Abednego - 9163292731
Thomas- 8017746441
Bhawanipur college:
Vanlalpeki Ralte Temami-
9862540494

J.C.C.:

Lalremruata—7890060478
zualtea— 8420928219
South city college:
Gerald LaLhriatpuaia -
9831726237
Loretto college:
Lalresiami - 7278727713
Lalbiakzuali Kawlni Tetei -
9831433269

TAWNGTAINA

Tawngtaina tih chuan kan biak Pathian hnena dilna thlen emaw, lawmthu sawina emaw thil dang dang pawh a ni thei ang. Kristian te chauh hi kan tawngtai lo a, sakhaw dang vuan tu tam tak te pawh an milim siam chawp hmaah uar takin tawngtaina hi an hmang thin a. Kan Pa lei leh van siamtu Lal ropui ber nena kan inbiak pawh tawna hmanraw pawimawh tak a ni a, a hlu hle a ni.

Min siamtu Pathian hi mihring ten mit in hmu theilo mah ila, kan biakpawhna awmchhun chu TAWNGTAINA hi a ni. Fa in apa hnena pangchang taka thil a dil thin ang hian kan biak Pathian pawh hian kan dilna te hi ngaihthlak a peih reng a, a beng kan tan engtik lai pawhin a chhi reng a ni.

Tawngtai dan hrang hrang a awm thei a, chungte chu :- Lawmthu sawina te, tanpui dilna te, manganna thlenna te, tihdam dilna te, malsawm dilna te a awm a. Mihring te hi mahni hmasial tak theuh kan nih avangin kan mamawh ang chauh thlen nan Pathian hnenah kan tawngtai thin a; hei hi in enfiah kan ngai khawp mai. Kan mihring pui te nena kan khawsak hona nen han khaikhin ta i la, englai pawha thil min dil reng, lawmthu sawina chang leh inthlahrun nachang pawh hrelo a, midang te ngaichang ve miahlo tute chu tumah in kan ngaina in a rinawmloh. Kan Pathian erawh chuan kan chaklohna te hria in, kan fel lohna leh tlin lohna te en lovin hmangaih takin min enkawla, chutih rual erawh chuan lawmthu sawina chang kan hriat erawh a tul hle a ni.

Tawngtai hian hun bi a nei lo a, engtik lai pawh in kan tawngtai thei a ni. Zing thawh hlim, zan mut dawn, chaw ei dawn leh kan inkhawm te hian tih ngei ngei tur ah kan ngai bika. Amaherawhchu engtik lai pawh in kan tawngtai thei reng a ni. A pawimawh ber chu 'Thinlung leh tihtak zet in kan tawngtai em?' Pathian ah kan rinna zawng zawng kan nghat ngam em?

Ringtu nun hi tawngtai leh Bible chhiar nen a kal kawp tlat a. Kan tawngtai hian Pathian kan bia a, Bible hmang hian Pathian in min bia in kan hnenah thu a sawi thin a ni. Kan taksa in chaw tha a mamawh ang bawh hian kan thlarau hi Bible chhiar leh tawngtai in kan chawm ve reng tur a ni a, kan thlahthlam hauh tur a ni lo.

Tawngtai hian thil a ti thei tak zet a, eng din hmun ah pawh ding ila, thinlunga tawngtaina leh rinna diktak nei mi te chuan a hlutzia an hrechiang hle. Midangte tana malsawmna kawng a ni a, midangte tana thil pek hlu tak a man teh rual lo a ni.

Kan tawngtai hian kan mamawh leh duh kan thlen te hi a rem vek a. Amaerawhchu Pathian chuan kan mamawh, chhiana leh thatna tur engkim a hria a, churang chuan Amah ah rinna kan ngaht tak zet a ni tih lan tir nan kan duhtawk kan thlen hnu ah 'Heng hi I thu ang zelin, kan tana tha tur angin min chhang ang che,' ti in tawngtaina hi khar thei ila. Hetia kan tih fo chuan kan beisei loh dan pawh in kan chngah lo thleng se la Pathian ah lawman kan nei reng thei dawn a ni.

Tawngtai I bansan lovang u.

Florence Lalhmingsangi, Ruthi Group

(Heihi CMCS THALAI article inziahsiak (on the spot) a lawmman pakhatna dawngtu a ni-ed)

OUTING

Dt. 11.06.13 khan KMS Member, Mizorama haw mekte chuan Outing cum Shooting Mizo Typical Village, Falkawn ah an nei a, an hlimtlang hle niin kan lo hria.

**Ulbun**

Mipa laptop chu vawikhat siama chatuan daih turin, hmeichhia chu kar khata vawikhat tal minrawn pan leh tur in- **Samu @SA boys**

Ka haw tep taktak tawh nia; tlangval inluah, chaw eia min sawm duh in awm chuan - **U Vani.**

A Single hman zuai asin male... sala!- **C.Muana**

I am three meters above the sky - **Betty@ N.I.H**